

## **Profil Diri Marzuki bin Abdullah**

### **Marzuki Abdullah sebagai Pensyarah.**

Marzuki bin Abdullah merupakan Pensyarah Akademi Seni Budaya dan Warisan Kebangsaan (ASWARA) telah memperolehi Ijazah Sarjana Muda Komunikasi Multimedia dengan Kepujian Animasi di Open Universiti Malaysia (OUM) pada tahun 2008. Pada 2018, beliau memperoleh kelulusan Sarjana Pengajian Melayu di Jabatan Seni, Akademi Pengajian Melayu Universiti Malaya (UM). Kajian yang dilaksanakana di peringkat sarjana bertajuk Unsur Melayu dalam Animasi The Amazing of Awang Khenit. Kini, Marzuki Abdullah sedang mengikuti pengajian Kedoktoran Falsafah di UNIMAS dengan penulisan Kajian bertajuk Himpunan Visual Animasi 2D Tempatan Yang Menggunakan Pendekatan Hermeneutik. Dalam dunia akademik, beliau pernah bertugas di Kolej Segi Seri Kembangan, Kolej Meatech, KRU Academy dan seterusnya di Akademi Seni Budaya dan Warisan Kebangsaan (ASWARA) dan pernah mendapat Latihan pembangunan Soalan Penilaian oleh Lembaga Peperiksaan Malaysia.

### **Marzuki Abdullah sebagai Animator**

Mendapat pendedahan awal dalam bidang animasi 2D pada 1 Mei 1994 menerusi program Perantisan Animator Usop Sontorian oleh Kamn Ismail dan mula menyertai produksi Usop Sontorian terbitan Kharisma Pictures pad tahun 1995. Pada tahun 1998, Marzuki menyertai Fine Animation yang menerbitkan animasi siri Yokies. Menyertai produksi animasi Vision Animation dengan penglibatan dalam produksi CJ th DJ iaitu sebuah penerbitan Bersama Vision Animaton dan ABC TV Australia. Dalam bidang Edu-tainment, Marzuki pernah menyertai Studio animasi Internexia dengan produksi Vincent & Friend, sebuah siri kanak-kanak berkonsepkan pembelajaran Bahasa Inggeris dan Tadika Q-Des dalam penghasilan modul pembelajaran kanak-kanak berbentuk animasi. Pada tahun 2012 Marzuki menyertai Meatech Studio dan mendapat peluang mengarah animasi Dato Bahaman. Pernah menyumbang suara sebagai Voice Over dalam animasi Usop Sontorian sebagai watak Vello dan voice over dalam produksi The Planet of Reban sebagai Professor Bing.

### **Marzuki Abdullah sebagai Kartunis.**

Marzuki juga aktif sebagai Kartunis Sambilan dengan menggunakan nama Kidol. Beliau bermula di majalah Gelagat sekitar tahun 1992. Di samping itu, beliau turut aktif di akhbar

Metro, terbitan Berita Harian. Karyanya berjudul Sarip Puisi merupakan IP yang telah dihasilkan di beberapa penerbitan dengan bermulanya di majalah Gelagat sehingga ke majalah Tunas Cipta terbitan Dewan Bahasa Dan Pustaka dari tahun 2013 sehingga 2017.

Kini, beliau aktif bekarya di akhbar Kosmo terbitan Media Mulia dengan idea-idea kartun berkonsep editorial kartun. Dalam berpameran, Marzuki turut menyertai beberapa pameran Kartun dan Karikatur seperti Pameran Kartun Perpaduan (Merdeka) di Fehrenhait 88, Jalan Bukit Bintang anjuran Arkib Negara, Pameran Karikatur Wajah-Wajah Malaysia di The Ledge, One Utama dan Pameran Kartun Covid di Galeri Ruamah Kartun dan Komik Malaysia (RKKM). Marzuki aktif dalam persatuan Kartunis di bawah payung Rumah Kartun dan Komik Malaysia (RKKM). Selain itu, Marzuki turut aktif sebagai ahli Persatuan Animasi Malaysia (ANIMAS) dengan memegang Portfolio Biro Akademik ANIMAS dan turut menjadi ahli dalam Pertubuhan Dunia Karikatur Malaysia (PEDUKAR).

#### **Marzuki dalam Pendidikan TVET.**

Dalam persekitaran Pengajian TVET, Marzuki telah dilantik sebagai Ahli Panel Penilai TVET (APV) oleh MQA dan JPK. Selain itu Marzuki juga mendapat lantikan Personel Penilaian Dan Verifikasi (PPV) oleh Pusat Latihan Pengajar dan Kemahiran Lanjutan (CIAST) dengan jawatan berikut:-

- I. Pegawai Pengesah Luaran -Pusat Bertauliah Penuh (PPL-SLaB),
- II. Pegawai Pengesah Luaran-Pentauliahan Pencapaian Terdahulu (PPL-PPT),
- III. Pegawai Penilai-Pentauliahan Pencapaian Terdahulu (PP-PPT),
- IV. Pegawai Pengesah Luaran-Sistem Latihan Dual Nasional (PPL SLDN\_ dan
- V. Panel Penilai Pentauliahan Program Kemahiran (PPPPK)

Pada tahun 2018, Marzuki telah ditauliah sebagai Teknologis Profesional dan Teknologis Berijazah oleh Lembaga Teknologis Malaysia (MBOT) dan terus menyumbang dalam pemerkasaan pendidikan TVET d Malaysia.